



ATASSUT

UPA 2016/70

Siverth K. Heilmann

01.06. 2016

Ineqarnermut akiliutit qaffakkiartuinnartut, kiisalu boligsikring tapiissutit qaffanneqarnissaat, aammalu kiassarnermut akiliutit qaffasippallaarnerat pillugit apeqquteqaat aallaavigalugu oqallinnissamik siunnersuut.

(Inatsisartuni ilaasortaq Hans Enoksen Partii Naleraq)

Siullermik inatsisartuni ilaasortaq, Hans Enoksen, Partii Naleraq, qutsavigissavarput apeqquteqaat aallaavigalugu soqtiginartumut oqallisissiaqerneranut, imatullu naatsumik ATASSUT-miit oqaaseqarfigissavarput.

Siunnersuuteqartoq ilumoorpoq, ukiuni makkunani ineqarnermut akit innuttaasunik amerlasuunik assut inuuniarnikkut ilungersunartorsiortitsimmat. Tamanna uppernarsarneqaannarpooq ineqarnermut akigitinneqartut 29,2 %-inik, kiassarnermut aningaasartuutit 73,7 %-inik, imermut aningaasartuutit 21,2 %-inik kiisalu ineqarnermut aningaasartuutit tamarmiusut 37,5 %-inik qaffariarsimanerannik Naalakkersuisut paasissutissiinerat malillugu.

Takuneqarsinnaavoq assersuutitit uuliap akiata qaffanneratigut, qanoq ineqartunut akit pitsaanngitsumik sunniuteqartarnera, taamaattumik aningaasartuutit qaffakkiartuinnassangippata, nukissiuutit mingutsitsinngitsut, aningaasartuutinut apparsaataaqisut atugaaleriartuinnartullu atorluarneqarnissaanut politikkikkut pimorunnerullugu tapersersuinissarput aqqutissiuussinissarpullu avaqqunneqarsinnaanngilaq.

Nunatsinni inissiarsuarpassuit namminersornerulerup kingunerisaanik kingornussimasagut, imasoqalitiginikuupput, ilarpassui iluarsaqqinnissaanut aningasanik atuiffiginagit isateriarlugit nutaanik sanaartorfingineqarnissaq pisariaqvassisporpoq. Ineqartunullu akikinnerusumik pitsaasunilli sivisuumillu atalluarsinnaasunik sanaartornissaq aallartisarneqalereersoq nunatsinni tamarmi pilersaarusrusiorluakkamik pimoorunneqarnerulerariaqartoq ATASSUT-miit tikkuarusupparput.

Siunnersuuteqartoq ilumoorpoq, inissiarsuarpassuit pisoqalinikut inoqanngitsullu innuttaasunut

nammakkersuutaaginnaratik aamma akinut sunniuteqartarmata. Ajoraluartumik inissiarsuarni pisoqalisimaqisuni ilaqtariippassuit oqueqisuni usseeqisunilu kiisalu ilaatigut oqoqartuni najugaqartippagut. Taamatut atugaqartitsinerput pitsaanngilaq akuerineqarsinnaanani lu, taamaattumik ineqarnikkut aaqqissuussinigut politikkeqarnerput pitsaanerujussuusariaqarpoq.

Ukiuni kingulliunerusuni takussaavallaalerput sanaartornermi nutaaliornermilu sannarlutat aammalu piffissap sivikitsup iluani inissiat illut oqoqalerneranik tusartualikkagut. Aningaasaliinigut pitsaanerusumik ilaqtariippassuillu ineqarnikkut atugaat pitsaaninngortittariaqarparput. Amerlavallaqaat inigisaq inissiarsuilluunniit ukiorpassuarni najugarisaminnik akitsoriartuinnartunillu atugassaqartitsinerput.

ATASSUT-miit ineqarnikkut matumanilu ilaatigut boligsikring-imik tapiiffigitittarnermut naleqqussaanissaanissamik siunertaqarluta siunnersuuteqartarnikuuvugut, siusinnerusukkulli Naalakkersuisuusartuniik suliniutinngooq aallartereermata, naatsersuutigalugu suliaq piaartumik saqqummiunneqassasoq siunnersuutitsinnik tunuartitsisariaqarsimavugut.

Kingusinerusukkut paasitinneqarnikuuvugut ajuusaarfingineqarlatalu, suliaq taama siuarsimatiginngitsoq, taamaattumik ATASSUT-miit, nutaamik nalilersuisoqarnissaanik kissaateqartarnerput piaartumik naammassineqassasoq attapparput.

ATASSUT-miit taamak eqikkaalluta apeqquteqaat aallaavigalug oqalisiaq oqaaseqarfigaarp, qujavugullu siunnersuuteqartumut periarfissimmatigut isummersoqqinnissatsinnut.

Qujanaq.